

Knarvik, 20. august 2020

Høyringsuttale

Kommunal driftstilskot til lag/foreiningar i Alver kommune

Me takkar for initiativet frå Alver kommune som vurderer å etablera ei ordning med fast driftstilskot til lag og foreiningar som vert rekna som fyrstårn innan sitt felt. Eikanger-Bjørsvik Musikklag (EBML) støttar initiativet og meiner at dette vil ha mykje å seia for det einskilde laget, og for omdømet til Alver kommune.

EBML har alltid vore stolte ambrassadørar for Nordhordland. Gjennom deltaking i ei rekkje nasjonale og internasjonale konkurransar og på konsertar og turnear i fleire europeiske land, inkludert Noreg, har me alltid snakka varmt om opphavet vårt. Me er stolte av røtene våre og den unike brasstradisjonen som har vakse fram frå Nordhordland, og me opplever stadig vekk at leiarar vil høyra og læra meir om korleis korps vert drive i regionen vår.

Sidan 2011 har EBML vunne åtte NM-gull. Dei gode resultatane er ikkje tilfeldige. Kvalitet kostar. Brassbandet har i alle år hatt fokus på musikalsk utvikling, og dette gjenspeilar seg i budsjettet. Eit normalår i EBML har ei omsetnad på om lag 2,5 millionar kroner. Pengane vert mellom anna øymerka til å løna dirigentar og instruktørar i verdsklasse, som set høge krav til kvar einskild musikanter, og difor lukkast med å heva nivået frå år til år. I tillegg legg EBML stor vekt på å halda konsertar, og dette kostar. Deltaking og reise til konkurransar internasjonalt er også dyrt. Ein tur til EM kostar fleire hundretusen kroner.

EBML legg ikkje berre vekt på eiga utvikling, men driv også eit omfattande talentarbeid blant barn og unge. Dette er svært viktig – både for skulekorpsa i kommunen, men også for rekrutteringa til vaksenkorpsa. Utan breidde blir det ingen topp, og utan topp blir det heller ikkje noko breidde.

Eit fast driftstilskot vil gje oss og andre fyrstårn i kommunen, litt meir stabile rammevilkår. Det vil gjera oss i stand til å fokusera endå meir på kvalitet i eiga og andre si utvikling. Det vil også bidra til å nå Alver kommune sin visjon om å bli verdas beste korpskommune. Me oppfordrar difor kommunen til å etablera ei ordning på lik linje med den som Bergen kommune har hatt i fleire år, med 100.000 kroner i stønad til elitekorpsa kvart år.

venleg helsing frå styret i Eikanger-Bjørsvik Musikklag

Stig Ryland
styreleiar
stig@bkkfiber.no
Tel: 970 33 249